

Scéal, Scéal, Scéal...



23 Samhain 2023 || Eagrán 174

Scéilíní, nuaíocht agus fógraí as Cois Fharraige.

MAIDIN CHAIFE

- Cois Fharraige -

Bláth Fiáin, An Spidéal
Dé hAoine 1 Nollaig
11r.n.

Caidreamh 's Comhlúadar!
Fáilte roimh chách.

Scaip an scéal!



CRUINNIÚ CINN BHLIANA FHÓRAM CHOIS FHARRAIGE UM PLEANÁIL TEANGA CTR

Reáchtáileadh Cruinniú Cinn Bhliana Fóram Chois Fharraige um Pleanáil Teanga CTR le gairid. Thug Máire Ní Neachtain, Cathaoirleach an Fóraim, tuairisc ar bhliain ghnóthach, ghníomhach, bliain inar léirigh torthaí an Daonáirimh go raibh ardú sa limistéir ar líon na gCainteoirí Gaeilge taobh amuigh den chóras oideachais. Comhthoghadh Maitiú de Hál as na Forbacha agus Brian Terry Mac Donnchadha as Ros an Mhíl mar stiúrthóirí i rith na bliana agus tugadh faomhadh don chomhthoghadh sin. Atoghadh Tomás Ó Neachtain as Baile na hAbhann agus Máire Ní Neachtain as an Spidéal mar stiúrthóirí freisin. Fáiltíodh roimh an ardú 20% ar an allúntas bliantúil a fógraíodh de thoradh an bhuiséid le gairid. Cuireadh fáilte ar leith roimh an athghrádú ar phost an Oifigigh Cúnta Pleanála Teanga. Glacadh buíochas le hAoife Ní Chonghaile a chaith trí bliana ina hOifigeach Cúnta Pleanála Teanga i gCois Fharraige agus fáiltíodh roimh Shaoirse Holic atá sa ról sin anois. B'údar iontais agus mórtais do chomhaltaí a bhí i láthair éagsúlacht agus líon na n-imeachtaí agus na dtograí a bhíonn á riaradh ag an bhFóram agus moladh deiseanna a thapú leis an scéal a scaipeadh agus treisiú ar fhaisnéis faoi thacaíochtaí an Fóraim a chur ar fáil ar ardáin agus ag imeachtaí éagsúla. Tráchtadh go sonrach ar an togra Scéalta na gComharsan le hÁras Chois Fharraige agus Tearmann Éanna, ar an gcampa drámaíochta Ruaille Buaille agus ar Fhéile Chois Fharraige mar bhuaic phointí i rith na bliana.

Tairngníodh aird ar an bhféilire atá ar shuíomh idirlín an Fhórait maidir le himeachtaí i gCois Fharráige agus nach bhfuil le déanamh ag aon eagraí imeachta ach scéala a sheoladh chuig na hOifigigh agus cuirfear an imeacht ar an bhféilire láithreach. Aontaíodh gurb í an ghéarchéim i gcúrsaí tithíochta agus na dúshláin sa gcóras pleanála áitiúla an chonstaic is mó i gcothú phobal teanga Chois Fharráige faoi láthair agus nach bhfuil de rogha ag óige an cheantair, daoine a bhfuil an Ghaeilge ar a dtoil acu, ach an ceantar a thréigean cheal tithíochta, in ainneoin postanna ar ardchaighdeán a bheith ar fáil san áit agus an-fhonn a bheith ar dhaoine cur fúthu go buan ina gceantar dúchais. Tá dochar mhór á dhéanamh aige do leanúnachas teanga agus do sheachadadh na Gaeilge ó ghlúin go glúin.

Ar fáil ag:
www.coisfharráige.ie
 faoi: FÉILIRE

<> An Mhí Seo Samhain 2023 ▾

DÉ LUAIN	DÉ MÁIRT	DÉ CÉADAOIN	DÉARDAOIN	DÉ HAOINE		
30	31 8:30 pm – 10:00 pm Oíche Airneáin agus Seanchais @ Stiúideo Cuan	1 Oireachtas na Samhna 7:30 pm – 9:30 pm Club Scríbhneoireachta Chois Fharráige	2 8:00 pm – 10:30 pm 1976 @ Club Scannán Sailearna	3		
6 7:00 pm – 8:00 pm 'Meitheal' PV Gréine ag tosú in SEC Chomharchumann Shailearna	7 7:30 pm – 9:30 pm Seoladh Oifigiúil Plean Gníomhaíochta An Spidéil 8:30 pm – 10:30 pm Oíche Airneáin agus Seanchais @ Stiúideo Cuan	8 9:00 pm – 10:00 pm Club Leabhar Chois Fharráige	9 8:00 pm – 10:30 pm 'Sick of Myself' @ Club Scannán Sailearna 8:00 pm – 10:30 pm Tá Tráth na gCeist i Ros a' Mhíl	10 11:00 am Maidin Chaife Chois Fharráige 6:30 pm – 11:30 pm Oíche Oireachtais	11 6:30 pm – 8:30 pm Tairseach leis an ngrú Cúl an Tí	12
13	14	15 6:30 pm – 8:00 pm Plean Gníomhaíochta Chomharchumann Shailearna 8:00 pm – 9:00 pm Ranganna Damhsa Seite – Gach Céadaoin 8:00 pm – 10:00 pm	16 8:00 pm – 10:00 pm 'Syndicaliste' @ Club Scannán Sailearna	17	18 10:00 am – 12:00 pm Aonach na Nollag @ Ceardlann an Spidéil 8:00 pm – 10:00 pm Tráth na gCeist – Ar leis an Ionad	

GAEICHARA
 - CHOIS FHARRÁIGE -

Ar mhaith leat feabhas a chur ar do chuid Gaeilge?
 Ar mhaith leat cuidiú le duine eile a gcuid Gaeilge a fheabhsú?
 An bhfuil cónaí ort i gCois Fharráige?

Tá tú uainn!!
 Tá Fóram Chois Fharráige um Pleanáil Teanga sa tóir ar
 (a) fhoghlaimoirí Gaeilge
 (b) chainteoirí liofa Gaeilge
 le bheith páirteach sa scéim Gaelchara

Oibreofar in éindí lena chéile, leis an nGaeilge a dsáid níos minicí sa mbaile agus sa bpobal.

Bronnfar €250 an duine ar an bhfoghlaimoir agus ar an meantóir.

Tá tuilleadh eolais agus an fhoirm iarratais ar fáil ó:
optchoisfharráige@gmail.com nó 083 010 6294

Turas Cultúir & Oidhreacht
 Dé Céadaoin 21 Meitheamh
 Mionbhus ag fágáil Casla @ 9:00r.n.

Tobar Naomh Anna Teach Scribe An Dóilín An Garraí Glas

Caitheáil clárú roimh ré: optchoisfharráige@gmail.com (083 010 6294)
 Costas: €10 (Turas & Lón san áireamh)
 Is í an Ghaeilge teanga an imeachta seo.

RUAILLE BUAILLE 2
 CAMPA DRÁMAÍOCHTA CHOIS FHARRÁIGE
 AOIS 5-7 BLIAIN D'AOIS
 IONAD: SCOIL NA BHFORBACHA
 SPÁSANNA TEORANTA!!!
 CHUN CLÁRÚ, SEOL RÍOMPHOST CHUIG
OPTCHOISFHARRAIGE@GMAIL.COM
 IS Í AN GHAELIGE TEANGA AN IMEACHTA SEO!



LITIR CHUIG SANTAÍ

Tá Tuimsitheoirí na Gaeltachta ag tabhairt cúnamh do Dhaidí na Nollag arís i mbliana - ar ndóigh, tá sé thar a bheith gnóthach ag an am seo den bhliain! Baileoidh Tuimsitheoirí na Gaeltachta litreacha ó ghasúir na Gaeltachta ar fad le chéile le cinntiú go mbaineann siad a gceannscríbe amach - An Pol Thuaidh, le go mbeidh sé in ann iad a fhreagairt. Ní gá ach do litir a sheoladh chuig f/c Tuimsitheoirí na Gaeltachta, An Cheathrú Rua, Co na Gaillimhe. Ná déan dearmad ainm agus seoladh an ghasúir a scríobh ar an litir freisin nó beidh mearbhall ar an bhFear Mór! Moltar na litreacha a bheith seolta roimh an gCéadaoin 6 Nollaig.

RANGANNA ACLAÍOCHTA

Chuir Christine Cox tús le sraith nua de ranganna aclaíochta le gairid. Bíonn ranganna ‘bootcamp’ ar siúl ar an Luan @ 7i.n. sula dtosaíonn ranganna pilates @ 8i.n. i Halla na Tulaigh. Ar an Déardaoin, tá cleachtadh cuarda ar siúl @ 7i.n. roimh ranganna pilates @ 8i.n. i Halla Scoil Éinne. Mairfidh chuile shraith cúig seachtaine. Le níos mó eolais a fháil, is féidir teagmháil a dhéanamh le Christine ag 087 121 0277

CLUB LEABHAR CHOIS FHARRAIGE

Rachaidh Club Leabhar Cois Fharráige ar turas go Baile Locha Riach le castáil le CLEAS - Club Leabhar Bhaile Locha Riach ar an 7 Nollaig ag 7.30, Tigh Morrissey. Beidh Tráth na gCeist liteartha ann chomh maith le plé ar an leabhar *Kíor Thuathail* le Jean Claude Izzo (Leabhar Breac). Ní gá ach teagmháil a dhéanamh leis an gclub ag: clubleabharcf@gmail.com le clárú don ócáid.



MARGADH NA NOLLAG

Tá Comharchumann Sailearna ag eagrú Margadh na Nollag ar an Domhnach 10 Nollaig i Seanscoil Sailearna. Faoi láthair tá an Comharchumann ag glacadh le hiarratais ó cheardaithe agus trádálaithe ar mhaith leo a bheith páirteach sa mhargadh, áit a bheas deis acu a gcuid earraí a dhíol. Tá foirmeacha iarratais le fáil ach ríomhphost a sheoladh chuig sailerna@gmail.com, nó is féidir glaoch a chur ar 091 399199 nó 089 4169602.



SÉASÚR NUA @ CUMANN GAILF CHOIS FHARRAIGE

Tá Cumann Gailf Chois Fharraige ag cur tús le séasúr nua. Le linn an shéasúir, imreofar naoi gcómortas ar chursaí gailf éagsúla, idir Contae na Gaillimhe agus Contae Mhaigh Eo, idir seo agus mí Iúil 2024. Reáchtálfar an chéad chomórtas eile ar an gcúrsa i mBaile Chonaola, Dé Sathairn, 25 Samhain. Tá míle fáilte roimh bhail nua sa gcumann. Le clarú le Cumann Gailf Chois Fharraige, is féidir teagmháil a dhéanamh le 086 8065144

TRÁTH NA gCEIST

Tá tráth na gceist á reáchtáil ag Coiste na dTuismitheoirí ag Scoil Sailearna ar an Déardaoin 7 Nollaig i dTigh Chualáin. Beidh táille de €10 in aghaidh an duine, nó €40 do bhord de cheathrar i gceist. Beidh duaiseanna iontach le buachan ar an oíche. Is féidir ticéid a cheannach ar an oíche. Cuirfear tús le cúrsaí @ 7i.n.

SANTAÍ AG CLÓ IAR-CHONNACHT

Beidh cuairteoir speisialta ag Cló Iar-Chonnacht ar an Satharn 2 Nollaig! Chomh maith le sin, beidh Fearghas Mac Lochlainn i láthair lena phictiúrleabhar nua 'An Crann Cois na Trá' a léamh. Cuirfear tús le cúrsaí @ 12:30 agus mairfidh an ócáid go dtí 3i.n. Fáilte roimh chách!



GIG DO GAZA



Tá ceolchoirm á reáchtáil i Stiúideo Cuan ar an gCéadaoin 29 Samhain @ 7:30i.n. ar mhaithe le muintir Gaza. Beidh ceol den scoth le cloisteáil ó Cholm Mac Con Iomaire, Johnny Óg Connolly, Pádraig Ó Dubhghaill, Clíodhna Costelloe le Becky Ní Éallaithe, Noel Hill & Jack Talty, Treasa Ní Cheannabháin, Colm Jimmy Ó Curraoin, Na Rógairí agus Ceoltóirí Óga Chois Fharráige. Beidh Rania Muhareb agus Amanie Issa, aoichainteoirí ón bPalaistín i láthair ar an oíche freisin. Tá costas €30 ar thicéad le freastal ar an imeacht nó €15 ar thicéad le breathnú ar an mbeoshruthú. Is féidir níos mó eolais a fháil ach teagmháil a dhéanamh le cairdenapalaistine@gmail.com

COLM MAC CON IOMÁIRE
JOHNNY ÓG CONNOLLY, PÁDRAIG Ó DUBHGHAILL &
CLÍODHNA COSTELLOE le BECKY NÍ ÉALLAITHE
NOEL HILL & JACK TALTY
TREASA NÍ CHEANNABHÁIN
COLM JIMMY Ó CURRAOIN
NA RÓGAIRÍ
CEOLTÓIRÍ ÓGA CHOIS FHARRAIGE

Rania Muhareb & Amanie Issa,
Aoichainteoirí ón bPalaistín

Ticéid €30
(nó €15 ar bheoshruth)
le fáil ar Eventbrite

Ag bailiú airgid le Gaza a bheathú

MUSLIM CARE
MALAYSIA SOCIETY
Perkumpulan Pertolongan Islam Malaysia

Tuilleadh eolais: cairdenapalaistine@gmail.com

Cuan
EALAIONTOIRÍ
AR SON
NA
PALAISTINE

COIS CAOLÁIRE SIÚLÓID COIS CÓSTA

Fógraíodh le gairid go bhfuil maoiniú ceadaithe de raon tograí Gaeltachta do áiseanna caithimh aimsire amuigh faoin aer. San áireamh sna tograí a ceadaíodh an maoiniú ina leith tá Forbairt Chois Caoláire, siúlóid cois cóta sa Spidéal. Is comhthogra de chuid Údarás na Gaeltachta agus Comhlacht Forbartha an Spidéil é seo. Ag caint faoin togra, dúirt Rónán Mac Con Iomaire, Stiúrthóir Forbartha Pobail, Réigiúnaí agus Pleanála Teanga go ndéanann “Údarás na Gaeltachta comhghairdeachas leis na heagraíochtaí a bhíonn ag obair i gcompháirt (linn) chun tograí den tsaghas seo a fhorbairt, tograí atá chun leasa an phobail áitiúil agus turasóirí araon.” ‘Sí Aire Forbartha Tuaithe agus Pobail, Heather Humphreys a d’fhógair an deascéala, ar son na Roinne.

FÉILE OIREACHTAIS 1983-2023

Cuirfear tús le Féile Oireachtais 1983-2023 anocht, Déardaoin 23 Samhain agus mairfidh an ceiliúradh go dtí an Domhnach 26. Cuireadh tús leis an ócáid le craoladh beo d’Iris Aniar ó Scoil Chuimsitheach Chiaráin ar maidin. Tá an cheolchoirm ‘Laochra an tSean-Nóis’ ar siúl i Shéipéal Mhic Dara @ 7i.n., á chur i láthair ag Máirtín Tom Sheáinín. Cuirfear tús le sraith nua seisiúin plé ar shaibhreas teanga ar an Satharn @ 11 i Leabharlann na Ceathrún Rua. Máire Feiritéar agus Áine Ní Chonghaile a bheas i mbun cainte. Beidh neart ceoil le cloisteáil ar an Satharn agus an Domhnach chomh maith agus cuirfear críoch bhríomhar leis an bhFéile ar an Domhnach sa gCistin le Taispeántas Damhsa ar an Sean-Nós @ 6i.n. Is féidir breis eolais a fháil ó pobalrua@gmail.com nó 087 256 3317


BÁNÚ

Feachtas le dul i ngleic leis an bhfadhb tithíochta sa nGaeltacht

Cruinniú Poiblí

leis an aoi-chainteoir:

Breanndán Ó Beaglaíoch



Dé Domhnaigh 26ú Mí na Samhna
6.00i.n.

ATHRÚ IONÁID!!

ITT (thuas staighre)

NÍ NEART GO CUR LE CHÉILE

DUAIS EALAÍNE BRONNTA AR DHALTA CHOLÁISTE CHOLMCILLE

Comhghairdeachas ó chroí le Mailí de Chléir, Coláiste Cholmcille, ar a bronnadh duais Thomas F. Meagher Foundation, i dTeach Laighean le gairid, don phíosa ealaíne den scoth a chum sí, atá le feiceáil anseo. Maith thú, a Mhailí!



COLÁISTE CHROÍ MHUIRE AG GUTH NA hÉIGSE

Comhghairdeachas le Róise Ní Scanláin, Clíodhna Ní Neachtain, Ríona Ní Aodha agus Aoibhe Ní Chúláin ar éirigh leo áit a bhaint amach i mbabhta craoibhe an chomórtais aithrise filíochta Guth na hÉigse, de chuid Éigse Éireann i gcomhar le IMRAM. Ba chúis bróid agus ardú croí don scoil na guthanna óige Gaeltachta seo a chloisteáil ar stáiste na hamharclainne.

SEISIÚN AMHRÁNAÍOCHTA NA bhFORBACHA

Beidh seisiún amhránaíochta ar siúl i dTigh Phádraigín ar an Domhnach 26 Samhain. Cuirfear tús le cúrsaí @ 7:30i.n. Fáile roimh chách!

